

INFO SEPPA 2 maart 2022 Di e Kortgeding cu Gobierno di Aruba a entama contra SEPPA awe 2 mart 2022 Juez ta duna un 'tussenvonniss'

Ja dia 11 februari dia cu e caso a tuma lugar nos a informa cu SEPPA ta premira cu dia 2 maart 2022 Juez lo no dicta algo concreto como solucion definitivo pa e hecho cu ta kita placa di trahador y obliga trahador traha 100% sino lo bai duna un 'tussenvonniss'. Pues, SEPPA no a spera cu e solucion ta awe di biaha.

Juez di comienso a bisa cu e ta pensando pa pidi gobierno pa bin cu un proposicion structural y nada temporal. Cu esaki e a tira tur cos bek den direccion di Gobierno di Aruba y pa no bin 'solamente' na Corte pa prohibi trahadornan di tuma cualkier accion sino bin tambe cu loke por soluciona e problema, of kita e inhusticia cu ta kita placa di trahadornan, of cu di trahadornan ta wordo spera pa traha 100% mientras cu no ta paga trahadornan 100%.

Loke si ta hala nos atencion cu e resultado di awe ta cu durante e tratamiento di e caso Juez a menciona 2 luna di tempo y awor ta wak cu e a pone esaki pa 2 siman. Cu esaki nos por bisa cu Juez a tuma na consideracion e puntonan cu SEPPA a bin cune cual tambe ta desbarata e ponencia di gobierno cu ta di un dia pa otro a bin cu e accionnan. Jues na ningun forma a duna razon na gobierno cu loke ta pasando ja pa 2 aña caba esta ta kita placa di trahadornan di gobierno, di fundacionnan y di NV nan y cu mester keda hasi esaki of no ta bisa e trahador ki dia ta stop cu esaki. E meta pa cual a hasi esaki NO ta existi mas!. No tin Loonsubsidie, no tin Fase y tampoco tin ayudo humanitario mas. Pues ta incomprendibel dicon gobierno ta keda kita placa, cual contrario na e meta stipula den ley cu a sostene e medida aki ja no ta existi mas. Cu esaki caba nos ta wak cu mas bien trahadornan den lucha tin motibo pa hasi loke nan ta hasiendo, esta protesta y exigi cu si "nan no ta wordo paga 100% nan no por wordo obliga pa traha 100% tampoco.

Nos ta mira e resultado di e caso aki positivo ja cu Juez ta wak e dolor di trahadornan y cu henter e asunto aki di 'mishi' den cartera di trahado ta dimas. Ta pesey Juez ta pidi gobierno di Aruba pa dentro di 2 siman (dia 16 maart 2022) indica cual ta e posibel alternativanan cu ta wordo ofreci cu ta 'reemplasa' e kitamento di placa di trahadornan. Esaki sin ningun forma di uitstel of retraso!. Despues di esaki, SEPPA mester duna su contrareaccion. SEPPA ta keda para riba cu mester stop cu e kitamento di placa di trahador y pa mientras cu esaki no sosode e principio "no pay no work" ta conta.

Directiva SEPPA,

Aruba, 2 maart 2022